



**PEKELILING PENTADBIRAN
BILANGAN 39 TAHUN 2020**

**GARIS PANDUAN PENGIMARAHAN
MASJID DAN SURAU
PASCA PERINTAH KAWALAN PERGERAKAN (PKP)
DI UNIVERSITI TEKNIKAL MALAYSIA MELAKA**

Pejabat Pendaftar

7 Julai 2020 | 15 Zulkaedah 1441H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri dan Masyarakat)

Penolong Naib Canselor (Pembangunan dan Pengurusan Fasiliti)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.14.02/100-3/2/1 JLD. 3 (39)

7 JULAI 2020
15 ZULKAEDAH 1441H

PEKELILING PENTADBIRAN BIL. 39/2020

GARIS PANDUAN PENGIMARAHAN MASJID DAN SURAU PASCA PERINTAH KAWALAN PERGERAKAN (PKP) DI UNIVERSITI TEKNIKAL MALAYSIA MELAKA

1.0 PENDAHULUAN

- 1.1 Garis Panduan ini dikeluarkan untuk menjelaskan kaedah pelaksanaan pengimaran masjid dan surau Pasca PKP di UTeM.
- 1.2 Garis Panduan ini hendaklah diguna pakai oleh masjid dan surau yang dinamakan di Universiti Teknikal Malaysia Melaka.

2.0 LATAR BELAKANG

- 2.1 Perintah Kawalan Pergerakan (PKP) telah diisytiharkan oleh YAB Perdana Menteri Malaysia bermula 18 Mac 2020 dan dilanjutkan sehingga 12 Mei 2020 sebagai langkah pencegahan penularan wabak COVID-19. Pada 4 Mei 2020, Perintah Kawalan Pergerakan Bersyarat (PKPB) dikuatkuasakan bagi menggantikan PKP. Sepanjang tempoh PKP dan PKPB, aktiviti masjid dan surau di Negeri Melaka ditangguhkan dan hanya aktiviti yang berbentuk menegakkan syiar Islam sahaja dibenarkan.
- 2.2 Pada 7 Jun 2020, YAB Perdana Menteri telah menggantikan PKPB dengan Perintah Kawalan Pergerakan Pemulihan (PKPP) berkuat kuasa 10 Jun 2020 sehingga 31 Ogos 2020.
- 2.3 Memandangkan PKPP telah memberi sedikit kelonggaran secara berperingkat dengan garis panduan tertentu kepada semua pihak, maka satu Garis Panduan Pengimaran Masjid dan Surau diwujudkan merujuk kepada garis panduan

yang dikeluarkan oleh Jabatan Agama Islam Melaka bagi tujuan pelaksanaan dengan mengambil kira aspek mengurangkan risiko penularan wabak COVID-19.

- 2.4 Garis Panduan ini dirangka berdasarkan kepada Pekeliling Jabatan Agama Islam Melaka Bil. 15/2020 iaitu Garis Panduan Pengimarahen Masjid dan Surau Sepanjang Tempoh Kawalan Pergerakan Pemulihan (PKPP) Negeri Melaka yang dikeluarkan oleh Jabatan Agama Islam Melaka bertarikh 2 Julai 2020 yang membenarkan pelaksanaan Solat Jumaat, Solat Fardu Berjemaah, kuliah dan kelas pengajian, Solat Sunat Aidil Adha, pengurusan jenazah, aktiviti gotong royong dan aktiviti singgah solat di masjid dan surau di Negeri Melaka dengan had 40% dari keluasan dan kapasiti ruang solat masjid/surau selepas mengambil kira penjarakan sosial.

3.0 PELAKSANAAN SOLAT BERJEMAAH

- 3.1 Solat berjemaah di Masjid Sayyidina Abu Bakar, UTeM dan surau yang dinamakan di UTeM akan bermula pada **7 Julai 2020 bersamaan 15 Zulkaedah 1441H**.
- 3.2 Jumlah jemaah yang dibenarkan hadir adalah dihadkan (rujuk **Lampiran 1**) iaitu dengan kadar 40% dari keluasan dan kapasiti ruang solat setelah mempertimbangkan penjarakan sosial.
- 3.3 Pelaksanaan solat berjemaah di masjid dan surau hendaklah dilaksanakan secara ringkas. Jemaah hendaklah segera bersurai setelah bacaan doa dan solat sunat ba'diah. Tiada majlis lain yang dibenarkan kecuali kelas pengajian yang dianjurkan dan mendapat kerjasama dari Pusat Islam.
- 3.4 Pelaksanaan Solat Jumaat adalah merujuk kepada Pekeliling Pentadbiran Bilangan 31 Tahun 2020, Garis Panduan Pelaksanaan Solat Jumaat di Masjid Sayyidina Abu Bakar UTeM Sepanjang Tempoh PKPP Atau Apa-Apa Tarikh Yang Ditetapkan Oleh MAIM. Walau bagaimanapun kapasiti jemaah tidak dihadkan. Namun, tertakluk kepada jumlah maksima kapasiti ruang di dalam masjid setelah mempertimbangkan penjarakan sosial.

- 3.5 Hanya Warganegara Malaysia dan Pemastautin Tetap (PR) sahaja yang dibenarkan untuk hadir solat berjemaah di UTeM. Kad PR hendaklah ditunjukkan kepada petugas masjid atau surau apabila diminta.
- 3.6 Solat berjemaah di surau yang tidak dinamakan adalah tidak dibenarkan. Bagi solat bersendirian, sejadah hendaklah dibawa dan ruang solat tidak boleh dikongsi.
- 3.7 Solat Sunat Aidil Adha tahun 1441H hanya dibenarkan pelaksanaannya di Masjid Sayyidina Abu Bakar, UTeM.

4.0 PELAKSANAAN KELAS PENGAJIAN DI MASJID DAN SURAU

- 4.1 Aktiviti kelas pengajian yang dibenarkan meliputi kuliah Maghrib, kuliah Subuh, tazkirah sebelum Jumaat, kuliah dan solat Dhuha, kelas pengajian Al-Quran dan lain-lain kelas pengajian.
- 4.2 Para jemaah hendaklah kekal mengamalkan penjarakan sosial sepanjang majlis ilmu tersebut.
- 4.3 Kuliah Maghrib hendaklah ditamatkan apabila masuk waktu Isyak, manakala kuliah Subuh hendaklah dibuat dengan tempoh waktu yang sesuai.
- 4.4 Kelas Pengajian Al-Quran adalah dibenarkan untuk dilaksanakan di masjid dan surau pada masa yang ditentukan oleh pentadbiran masjid/surau. Kuliah atau program yang berskala besar hendaklah ditangguhkan buat sementara waktu.
- 4.5 Jamuan makan di masjid/surau selepas kuliah adalah dibenarkan dengan mengawal penjarakan sosial.
- 4.6 Keperluan untuk mendaftarkan kehadiran peserta adalah diambil kira dari pendaftaran solat sebelum kuliah untuk Kuliah Maghrib dan Kuliah Subuh. Jemaah yang telah membuat pendaftaran pada waktu solat tidak perlu mendaftar lagi.

- 4.7 Peserta yang hadir perlu memenuhi keperluan berikut:
- peserta merekodkan kehadiran dalam sistem/buku pendaftaran yang disediakan oleh pentadbiran masjid (nama dan nombor telefon);
 - peserta membawa sejadah sendiri dan memakai *face mask*;
 - peserta membawa peralatan sendiri dan tidak berkongsi peralatan masjid;
 - berumur 12 tahun ke atas; dan
 - peserta tidak bersentuhan dan bersalaman sebelum, semasa dan selepas kelas pengajian dijalankan.
- 4.8 Dalam semua keadaan, peserta kelas pengajian yang hadir perlu mengamalkan penjarakan sosial dan mengelakkan 3S (sesak, sempit dan sembang dekat). Pentadbiran masjid/surau dan jemaah yang hadir juga hendaklah mengamalkan "3W" (*wash, wear, warn*) iaitu sentiasa menjaga kebersihan diri terutama tangan dan sentiasa memakai *face mask*. Pentadbiran masjid/surau hendaklah sentiasa menasihatkan peserta agar mematuhi garis panduan dari MKN dan JAIM.

5.0 PELAKSANAAN PENGURUSAN JENAZAH

- 5.1 Pengurusan jenazah boleh dilaksanakan di Masjid Sayyidina Abu Bakar UTeM. Pelaksanaannya hendaklah secara ringkas dan mengamalkan penjarakan sosial dengan jarak minima 1 meter. Jemaah hendaklah segera bersurai selepas solat dan doa. Walau bagaimanapun, pengurusan jenazah positif COVID-19 atau disyaki positif COVID-19 hendaklah dilaksanakan di Hospital Melaka atau mana-mana tempat yang diuruskan oleh Kementerian Kesihatan Malaysia (KKM).
- 5.2 Dalam semua keadaan, jemaah yang hadir perlu mengamalkan penjarakan sosial dan mengelakkan 3S (sesak, sempit dan sembang dekat). Pentadbiran masjid/surau dan jemaah yang hadir juga hendaklah mengamalkan "3W" (*wash, wear, warn*) iaitu sentiasa menjaga kebersihan diri terutama tangan dan sentiasa memakai *face mask*. Pentadbiran masjid/surau hendaklah sentiasa menasihatkan jemaah agar mematuhi garis panduan dari MKN dan JAIM.

- 5.3 Pentadbiran masjid perlu menyediakan pendaftaran jemaah yang hadir dan rekod diselenggara.

6.0 PELAKSANAAN MAJLIS GOTONG-ROYONG

- 6.1 Majlis gotong royong di masjid dan surau adalah dibenarkan.
- 6.2 Dalam semua keadaan, jemaah yang hadir perlu mengamalkan penjarakan sosial dan mengelakkan 3S (sesak, sempit dan sembang dekat). Pentadbiran masjid/surau dan jemaah yang hadir juga hendaklah mengamalkan "3W" (*wash, wear, warn*) iaitu sentiasa menjaga kebersihan diri terutama tangan dan sentiasa memakai *face mask*. Pentadbiran masjid/surau hendaklah sentiasa menasihatkan jemaah agar mematuhi garis panduan dari MKN dan JAIM.
- 6.3 Pentadbiran masjid dan surau perlu menyediakan pendaftaran kehadiran dan rekod diselenggara.

7.0 AKTIVITI SINGGAH SOLAT DI MASJID DAN SURAU

- 7.1 Masjid dan surau hendaklah ditutup selepas setiap aktiviti. Bagi meraikan keperluan orang yang ingin singgah untuk solat, pentadbiran masjid dan surau bolehlah menyediakan satu ruangan di kawasan yang bersesuaian untuk membolehkan mereka bersolat. Peralatan untuk solat hendaklah dibawa sendiri oleh jemaah terlibat. Perkongsian peralatan solat adalah tidak dibenarkan untuk mengurangkan risiko jangkitan.
- 7.2 Pentadbiran masjid dan surau hendaklah memastikan proses disinfeksi hendaklah dilaksanakan di kawasan tersebut mengikut keperluan.

8.0 AKTIVITI YANG TIDAK DIBENARKAN

- 8.1 Aktiviti yang tidak dibenarkan ialah aktiviti selain dari yang disebutkan di atas juga melibatkan penglibatan orang ramai seperti perhimpunan, majlis dan perarakan yang sukar untuk mengelak dari berlaku 3S (sesak, sempit, sembang rapat). Majlis selain dari yang dinyatakan di atas hanya boleh

dilaksanakan setelah mendapat kebenaran bertulis dari Jabatan Agama Islam Melaka dan pihak berkuasa universiti.

9.0 TANGGUNGJAWAB PUSAT ISLAM/PENTADBIRAN MASJID DAN SURAU

- 9.1 Memastikan kerjasama erat dengan pasukan pemantau yang terdiri daripada Pejabat Keselamatan Pekerjaan dan Kelestarian Alam Sekitar, Pejabat Keselamatan dan Pusat Kesihatan UTeM.
- 9.2 Memastikan pihak pentadbiran surau yang dilantik dalam sesebuah PTj untuk melaksanakan Garis Panduan yang ditetapkan.
- 9.3 Menentukan had maksima bilangan jemaah yang hadir solat berjemaah dan kelas pengajian.
- 9.4 Memastikan jemaah yang hadir untuk solat berjemaah direkodkan dalam sistem/buku pendaftaran di masjid atau surau yang dinamakan.
- 9.5 Memastikan penjarakan sosial di ruang solat sekurang-kurangnya pada jarak satu meter.
- 9.6 Memastikan para jemaah membawa sejadah dan telekung sendiri untuk digunakan semasa solat berjemaah.
- 9.7 Memastikan masjid dan surau yang dinamakan hendaklah membuat disinfeksi sekurang-kurangnya seminggu sekali. Pusat Islam atau pentadbiran surau perlu membuat permohonan untuk disinfeksi kepada Pejabat Penolong Naib Canselor (Pembangunan dan Pengurusan Fasiliti).
- 9.8 Memastikan pengambilan wuduk di masjid dan surau diminimumkan. Para jemaah hendaklah berwuduk di pejabat masing-masing sebelum hadir ke masjid atau surau.
- 9.9 Hanya pintu masjid/sarau yang ditetapkan sahaja dibuka kepada jemaah 10 minit sebelum azan dan ditutup seurus doa selepas solat dibacakan.
- 9.10 Pusat Islam dan pentadbiran surau hendaklah menyediakan perkara berikut di

lalu masuk:

- i. Buku pendaftaran jemaah atau sebarang bentuk pendaftaran elektronik yang mengandungi maklumat tarikh, masa, nama, nombor telefon jemaah, suhu (kadar suhu 37.5 darjah celsius dan ke atas tidak dibenarkan masuk) serta bergejala (batuk,selesema,sakit tekak dan sesak nafas); dan
- ii. "*Hand sanitizer*" untuk digunakan oleh jemaah.

9.11 Pentadbiran masjid dan surau dibenarkan mengadakan mesyuarat jawatankuasa dengan mematuhi penjarakan sosial dan panduan keselamatan lain.

10.0 TANGGUNGJAWAB JEMAAH

10.1 Jemaah yang dibenarkan untuk hadir hendaklah mematuhi perkara berikut:

- i. Mendapat kebenaran memasuki kampus pada hari semasa;
- ii. Mestilah berwuduk terlebih dahulu sebelum hadir ke masjid/surau;
- iii. Mendaftar kehadiran secara *walk-in* di pintu masuk masjid/surau (kecuali solat Jumaat) dan menggunakan *hand sanitizer* yang disediakan;
- iv. Tiada kontak fizikal dibenarkan seperti berjabat tangan sama ada sebelum atau selepas solat;
- v. Jemaah hendaklah bersegera meninggalkan masjid selepas selesai solat dan doa;
- vi. Para jemaah hendaklah membawa sejadah/selendang/telekung sendiri untuk kegunaan semasa solat; dan
- vii. Jemaah dimastikan untuk memakai *face mask*.

11.0 KAWALAN DAN PELAKSANAAN

11.1 Pusat Islam dan pentadbiran surau hendaklah memastikan Garis Panduan ini dipatuhi.

11.2 Pihak Berkuasa dan Pihak Pengurusan Universiti boleh mengarahkan agar sesi solat berjemaah ditangguhkan sekiranya terdapat jemaah yang tidak

mematuhi Garis Panduan yang ditetapkan.

12.0 PEMBATALAN

12.1 Garis Panduan ini akan membatalkan Pekeliling Pentadbiran Bilangan 2 Tahun 2020 iaitu Penangguhan Solat Jumaat dan Solat Berjemaah di Masjid Sayyidina Abu Bakar Universiti Teknikal Malaysia Melaka yang dikeluarkan pada 17 Mac 2020.

13.0 TARIKH KUAT KUASA

13.1 Pekeliling Pentadbiran ini adalah berkuat kuasa mulai 7 Julai 2020.

Sekian, terima kasih.

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia Melaka

LAMPIRAN 1

Senarai Masjid dan Surau Yang Dinamakan Oleh Universiti Teknikal Malaysia Melaka

Bil.	Masjid / Surau	Kampus	Jumlah Kapasiti Bilangan Jemaah	40% dari keluasan ruang dengan penjarakan sosial
1.	Masjid Sayyidina Abu Bakar	Kampus Utama	4,000 orang	700 orang
2.	Surau Fakulti Kejuruteraan Pembuatan	Kampus Utama	70 orang	15 orang
3.	Surau Al-Khawarizmi	Kampus Teknologi	80 orang	20 orang